



ATASSUT

UPA 2016/ 12

Steen Lyngø

19. 04. 2016.

2017-imi akileraarutitigut ilanngaattissat il.il. imatut angissusilerneqarnissaannik Inatsisartut aalajangiinissaannik siunnersuut:

- 1. Inummut ilanngaat.....kr. 48.000 (ukiumut)**
- 2. Ilangaat aalajangersimasoo.....kr. 10.000 (ukiumut)**
- 3. Aningaasarsiat B-t akileraaruteqaataasussaannigitsut kr. 5.000 (ukiumut)**
- 4. Killilimmik akileraartussaataasut ilanngaataat kr. 1.000 (ukiumut)**
- 5. Kommunitut ataatsimut akileraarut.....6%**

(Aningaasaqarnermut Aatsitassanullu Naalakkersuisooq)

Atassut Naalakkersuisut akileraartarnermi ilanngaammut allanngortitsinnginnermut il.il. ukioq 2017 pillugu saqqummiussaannut imaattumik oqaaseqaateqarpoq.

Sulineq imminut akilersinnaasariaqarpoq.

Ilinniakkamik ingerlatsisimaneq aammalu minnerunngitsumik ilinniakkamik qaffasinnerusumik ingerlatsinissaq imminut akilersinnaasariaqarpoq.

Tamannalu tunngavigalugu innuttaasut assigiimmik pisinnaatitaffeqarnissaat aammalu pisussaaffeqartitaanissaat pingaaruteqarpoq. Tamanna aamma akileraartarnikkut aallaaviusariaqarpoq.

Ilangullugu pingaarnissanut ilaatinneqartariaqarpoq, sulineq ilinniarsimagaanni ilinniagaqarsimannigikkaanniluunni imminut akilersinnaanissaa. Sulineq akissarsiakikkaluarluni imminut akilersinnaasariaqarpoq.

Pisortanit ikiorsiissutinik imaluunniit tapiissutinik pisinnaanermut periarfissat, sulerusunnermut akimmiffilersuippat? Imatut paasillugu isertitat aallaavigalugit tapiissutinik pinissamut killissaritit tikinneqaleraangata, innuttaasut ilaasa suliffitsik qimakkallartarpaat tapiissutinik annaasaqarumanginnamik.

Inatsisit ilaatigut ajornatilersarpaat innuttaasut suliffissaaleqinermit sulisilersinnaanissaannut.

Naalakkersuisut oqaatigaat, maannalu sulinermit ilanngaammik ilaatigut imaqartumik misissuisitsillutik.

Suliassat suugaluartut tamaasa paasissutissat tunngavigalugit suliarisarnissaat pingaaruteqarpoq. Taamaamat Atassut-mit nuannaarutigaarput misissuititsinerit ingerlanneqarmata.

Atassut-mit Naalakkersuisut apererusuppagut, misissuinerup sulinermit ilanngaammut tunngasut saniatigut suut allat aamma ilanngunneraat?

Innutaausut paasissutigisimappassuk, tamakkiisumik sulineq imaluunniit sulilernissaq imminut akilersinnaangitsoq, taava taanna paasissutissat sulinermit tunngaviusariaqarpoq.

Pisortanit ikiorsiissutinik aammalu tapiissutinik pisartagaqarneq pisinnaaffeqarneq, inuiaqatigiit nalilersoqqitariaqarpaat.

Ikiorsiissutinik aammalu tapiissutinik pisinnaatitaaneq innuttaasut inuunermi akisussaaffimmik tiguseqataanissaannik aqutissiuissussat inissisimanissaat pingaaruteqarpoq.

Pingaaruteqarpoq innuttaasut pisariaqartitsisut ikiorserneqartarnissaat, taamatullu pingaartigaq innuttaasup ingerlaqqinnissaanut sammitinneqarnissaat. Inatsisit atuuttut ersarinngippata imaluunniit taamatut aqqissugaanngippata, taava nalilersoqqittariaqarpavut inatsisit, allangortillugillu.

Atassut siusinnerusukkut ilinniagaqarnissaq pisussaaffittut isigineqarnissaanik oqariartuuteqartarpoq. Meeqqat ulloq siullermiit atualigaangamik ilisimalereertariaqarpaat ilinniagaqarnissamik akisussaaffeqlutik. Inuusuttut ikinngitsut ullumikkut meeqqat atuarfiat qiattarpaat ilinniarfinnut ingerlaqqinnissaminut piginnaasamikkut amigaateqarlutik. Tamannalu tunngavigalugu suliffissaaleqisunut ilannguttartut amerlallutik. Taamaalingaagata inuiaqatigiit inuusuttut ulluinnarni attaveqarfituaat tassaalersarpoq ikiorsiissutit piumasaqaatitaqarnngitsut. Tamanna akuersarneqarsinnaanngilaq.

Naalakkersuisut misissuinerminni – ilanngutereersimanngippat – ilannguttariaqarpaat pisortanit ikiorsiissutit pillugit inatsisit allangortariaqarnersut.

Pisortanit ikiorsiisarneq pillugu inatsisini ersarissumik saqqumitinneqartariaqarpoq, inuusuttut ilinniarnissamik ingerlatsinissaannik akisussaaffeqlutit, tamannalu piumasaqaat ersersinneqarsinnaavoq, soorlu aftenskole-rnemik allatullunniit piareersarnermik ingerlatsigaanni, atsaat ikiorsiissutinik pisartaraqarsinnaalluni.

Eqqorsinnaanngilaq pisortanit ikiorsiissutit pillugit inatsisit ima aqqissugaassappata, nunatsinni fabrik-it nunaqavissunik sulisussanik amigaateqartarnerat, saniatigut suliffissaaleqisut taamak amerlatigisut. Pisariaqarluinnarpoq misissuinermit eqqaaneqartumi aammalu pisortanit ikiorsiissutit ilaatinneqarnissaat.

Taamatut oqaaseqarluta Atassut-mit neriuutigaarput misissuineq ingerlanneqartoq inatsisit allat aamma misissornerannik imaqaassasoq neriuutigaarput.

Atassut-mit siunnersuut tusaatissatut tigullugu ataatsimiitsitaliamut ingerlanissaa innersuussutigissavarput.

